

# B1 MAILA



# BAT ZUK

<sup>æ</sup>ek  
20.korrika

2017ko martxoaren 30etik apirilaren 9ra  
OTXANDIOTIK IRUÑERA

# Korrika badator!

(AUTOIKASKUNTZA)

# KORRIKA 20. *Korrika badator!*

Ataza honen helburu nagusiak dira, batetik, Korrika zer den gogoratzea edo ezagutzea, eta bestetik, 20. Korrikaren berri izatea. Aurrekoaz gain, mailari dagozkion hainbat edukiri erreparatzea ere izango dugu helburu, jakina.

Helburuoi heltzeko, ondoko ataza proposatzen dizugu.



## **Ataza: *Korrika badator!***



Ataza honen helburua Korrika gogora ekartzea da. Hasteko, gaia modu atseginean aurkezteko, Euskal Herriari, euskarari eta Korrikari buruzko datu bitxiak ikasten laguntzeko jokia egingo dugu. Ondoren, "*Korrika arduradunei elkarrizketa*" izeneko testua irakurriko dugu, eta, jasotako informazioa oinarri, lagun batek e-postaz egindako galderei erantzungo diegu.

### **HELBURUAK**

- ▶ Korrika gaia eskolara ekartzea.
- ▶ 20. Korrikari buruzko informazio esanguratsuena eskolaratzea.
- ▶ Euskal Herriari, euskarari eta Korrikari buruzko datu bitxiak ikastea.
- ▶ Testu idatziak erreparatzeko eta zuzentzeko teknika ikastea



Mintzatu



Entzun



Bideoa ikusi



Irakurri



Kanta



Jolasa



Idatzi



Ariketa



## Korrika badator! (B1)

### A. "Euskal Herria, euskara eta Korrika" jokoa.

Ikasleek jokoa arauak irakurriko dituzte eta jokoa egingo dute.

#### TUTORETZA

- Komentatu ikasleekin jokoa jaso dituzten datu bitxiak, eta lagundu ariketetan sortutako zalantzak argitzen.

### B. 20. Korrikari buruzko elkarrizketa.

Ikasleek Korrikari buruzko elkarrizketa irakurriko dute eta informazioa e-postaz zabalduko dute. E-posta horiek ikasleek eurek berrikusi eta zuzenduko dituzte eskaintzen zaizkien instrukzioei jarraiki.

#### TUTORETZA

- Komentatu ikasleekin elkarrizketan jasotako informazioa, eta lagundu ariketetan sortutako zalantzak argitzen.

#### MINTZASAIIOAN GAIK ARITZEKO PROPOSAMENAK

- Ikusi "Euskal Herria, euskara eta Korrika 2" ikus-entzunezkoa.
- Ikus-entzunezkoa ikusi ondoren, mintzatu ikasleekin bideoan ikusitakoaz (zer ezagutzen zuten, zer iruditu zaien bitxien...).



## Korrika badator! (B1)

### A. "Euskal Herria, euskara eta Korrika" jokoa.

Erantzunak emateko moduak ikasi ondoren, irakurri jokoaren arauak eta jokoa egin.

#### EGINKIZUNAK

- Irakurri "Jokoa prestatzen: apustuak" ariketaren azalpenak eta erantzun galderei (5. or.).
- Irakurri arretaz jokoaren arauak (6. or.).
- Jarri "Euskal Herria, euskara eta Korrika 2" ikus-entzunezkoa eta jokatu (7.-8. or.).
- Ikusi berriro "Euskal Herria, euskara eta Korrika 2" ikus-entzunezkoa eta erantzun "Interesgarria izan da" ariketako galderei (9. or.).

#### ZUZENKETAK

- Erantzunak, 17. orrialdean.
- Erantzun zuzenak jokoa bertan ematen dira.

### B. 20. Korrikari buruzko elkarrizketa.

Irakurri Korrikari buruzko elkarrizketa eta zabaldu informazioa e-postaz.

#### EGINKIZUNAK

- Irakurri "Korrika arduradunei elkarrizketa" testua ariketan proposatzen diren instrukzioei jarraiki (10.-11. or.).
- Jaso testuan agertutako hitz berri batzuk 11. orriko taulan, eta idatzi adibide bat hitz horietako bakoitzarekin.
- Irakurri *e-posta* eta erantzun beste e-posta baten bidez (12.-14. or.). E-posta idazteko, jarraitu eskaintzen zaizkizun instrukzioei.

#### ZUZENKETAK

- Idatzitako esaldiak tutoreari erakutsi zuzentzeko.
- Eman e-posta tutoreari zuzentzeko.



## JOKOA PRESTATZEN: APUSTUAK

Irakurri azalpenak eta erantzun beheko galderei.



- ➔ “Euskal Herria, euskara eta Korrika” jokoan, **adierazpen**<sup>1</sup> batzuk entzungo dituzu, eta egia ala gezurra diren esan beharko duzu. Erantzuna ziurtasunez ematen baduzu, 3 puntu jarriko dituzu jokoan; uste duzula esaten baduzu, 2 puntu; ziurtasun txikia azaltzen baduzu, puntu 1; ez dakizula esaten baduzu, 0 puntu.

Nola azaltzen da ziurtasuna? Eta ustea? Eta ziurtasun txikia? Eta **ezjakintasuna**<sup>2</sup>?

### ERANTZUTEKO MODUAK

#### ZIUR BAZAUDE...

- Egia da / Gezurra da.
- **Egi borobila da / Gezur hutsa da.**
- Ziur **egia / gezurra dela.**

#### LITEKEENA DELA USTE BADUZU...

- **(Agian),** egia / gezurra izango da.
- **Baliteke** egia / gezurra izatea.

#### USTE BADUZU...

- **Nire ustez,** egia / gezurra da.
- **Nik uste dut** egia / gezurra dela.
- **Nik esango nuke** egia / gezurra dela.

#### EZ BADAIZU....

- **Ez dakit / Ideiari ez.**

- ➔ Orain, erantzun galdera hauei goiko egiturak erabiliz.



1. Yucatán Mexikoko penintsula bat da. Zer esan nahi du “Yucatán” hitzak?

**“Ez naiz hemengoa” esan nahi du.**

EGIA ALA GEZURRA?

.....

.....



2. Denok dakigu zer den kangurua. Baina badakizu zer esan nahi duen?

**“Arratoi saltaria” esan nahi du.**

EGIA ALA GEZURRA?

.....

.....



3. *Hilerria*, gaztelaniaz, *cementerio* esaten da. Hitz hori antzinako grezieratik dator, “*koimetérion*” hitzetik. Zer esan nahi zuen hitz horrek?

**“Logela” esan nahi du.**

EGIA ALA GEZURRA?

.....

.....

1. **Adierazpen:** *expresión*  
2. **Ezjakintasuna:** *ignorancia*



## **"EUSKAL HERRIA, EUSKARA ETA KORRIKA" JOKOA**

### **Jokoaren helburua.**

- ▶ Euskal Herriari, euskarari eta Korrikari buruzko adierazpen bitxi batzuk egia ala gezurra diren asmatzea.

### **Jokoaren prestaketa.**

- ▶ Jokoan hasi aurretik, irakurri arretaz 7. orrialdeko instrukzioak.

### **Jokoaren arauak.**

- ▶ Jarri "Euskal Herria, euskara eta Korrika" ikus-entzunezkoa.
- ▶ Pantailan "Egia ala gezurra?" agertzen den bakoitzean, eten ikus-entzunezkoa.
- ▶ Une horretan pantailan agertzen den adierazpena egia ala gezurra den asmatu beharko duzu. Erantzunak dagokien zutabea idatziko dituzu 7. eta 8. orrialdeetan.
- ▶ Erantzuna idatzi ondoren, jarri martxan ikus-entzunezkoa berriro benetako erantzuna ezagutzeko.
- ▶ Erantzuna entzun ondoren, eten berriro ikus-entzunezkoa puntuazioak jasotzeko. Honela egingo duzu: erantzuna asmatu baduzu, jokaturako puntuak irabaziko dituzu, eta puntu horiek hirugarren zutabea jasoko dituzu (+3, +2 edo +1); erantzuna asmatu ez baduzu, aldiz, jokaturako puntuak galduko dituzu eta puntuazioak jasotzean, -3, -2 edo -1 idatziko duzu.
- ▶ Puntuazioa jasota, ikus-entzunezkoa martxan jarriko duzu berriro hurrengo adierazpena agertu arte.
- ▶ Jokoaren amaieran batu lortu dituzun puntuak.



- ▶ Idatzi lehenengo zutabea ikus-entzunezkoan agertzen diren adierazpenak.
- ▶ Idatzi bigarren zutabea zure apustua adierazpen horiei buruz.  
Erantzuna ziurtasunez ematen baduzu ("Ziur nago...", "..., jakina"...), **3 puntu** jarriko dituzu jokoan.  
Erantzutean ustea azaltzen baduzu ("Nik uste dut...", "Nire ustez..."...), **2 puntu**.  
Probabilitatea baino adierazten ez baduzu, ("Agian... izango da", "Baliteke ...-t(z)ea"...)  
**puntu 1.**
- ▶ Jaso hirugarren zutabea lortutako puntuazioak.
- ▶ Batu puntu guztiak.

ADIERAZPENAK	APUSTUA	PUNTU.
1. .... ..... .....		
2. .... ..... .....		
3. .... ..... .....		
4. .... ..... .....		
5. .... ..... .....		
6. .... ..... .....		
7. .... ..... .....		



ADIERAZPENAK	APUSTUA	PUNTU.
8. .... ..... .....		
9. .... ..... .....		
10. .... ..... .....		
11. .... ..... .....		
12. .... ..... .....		
13. .... ..... .....		
14. .... ..... .....		
15. .... ..... .....		
16. .... ..... .....		
17. .... ..... .....		
18. .... ..... .....		





## INTERESGARRIA IZAN DA.



Jokoan gauza batzuk ikasi ditugu Korrikari, euskarari eta Euskal Herriari buruz. Orain, aukeratu interesgarrienak eta idatzi hemen.

Interesgarria iruditu zait:

.....

.....

.....

.....



Zergatik?

.....

.....

.....

.....

Sinestezina iruditu zait:

.....

.....

.....

.....




Zergatik?

.....

.....

.....

.....





Ondoko aholkuak irakurri ondoren, irakurri artikulua eta jaso hitz berriak hurrengo orrialdeko zerrendan.

### IRAKURTZEKO AHOLKUAK

- a. Saiatu testua **jarraian irakurtzen**.
- b. Irakurtzean, baliteke ulertzen ez dituzun hitzak edo esaldiak aurkitzea.
  - b.1. Hitz edo esaldi horiek **testua ulertzeko oztopoak badira**, saiatu esanahia argitzen (bilatu hiztegia, galdetu...).
  - b.2. Hitz batzuk ulertu ez arren, **testuaren hariari jarraitzen badiozu, azpimarratu hitz horiek eta jarraitu irakurtzen**.
- c. Testua irakurri ondoren, **bilatu hitz berrien esanahia** eta apuntatu, ez ahazteko.

## Korrika badator!

**AEK-k Korrika aurkeztu du San Telmo museoan, Donostian. Bertan, Asier Amondorekin hitz egin dugu, Korrikaren arduradunarekin.**

**Hemen dugu berriro Korrika. Zein da edizio berri honen helburua?**

**Asier:** Dakizuen bezala, Korrika euskararen aldeko ekimenik handiena da. AEK-k antolatzen duen lasterketa erraldoia da eta Euskal Herri osoa zeharkatzen du. 20.a martxoaren 30ean hasiko da eta betiko helburu berberak ditu: lehenengoa, jakina, jendea animatzea euskara ikastera eta erabiltzera; bigarren helburua ekonomikoa da, AEKren euskaltegiei laguntzeko dirua lortu nahi dugu eta.

**20. Korrika aurkezteko, San Telmo museoa aukeratu duzue. Zergatik?**

**Asier:** Datorren Korrika 20.a izango da. Edizio berezia izango denez, leku berezia aukeratu nahi izan dugu aurkezpenerako. Korrikan, dakizuen bezala, lekuko bat eramaten da eskuz esku. Lekukoa osagarri garrantzitsua da Korrikan. Barruan, mezu ezkutua darama, azken egunean jendaurrean irakurtzen dena. Bada, lehengo edizioetako lekukoa, Remigio Mendiburu eskultoreak egin zuena, museo honetan dago ikusgai.

**Nondik nora ibiliko da 20. Korrika?**

**Asier:** Bada, Otxandion hasiko da martxoaren 30ean eta Iruñean amaituko da apirilaren 9an. Batetik besterako bidean, 11 egunean, Euskal Herriko herri gehienetara hurbilduko gara. Korrika, dakizuenez, ez da sekula gelditzen, ez egunez, ezta gauez ere.



Hamaika egunean, 2.000 kilometrotik gora egiten ditugu, eta leku ugariatik igarotzen gara; dena den, zoritxarrez, beti geratzen zaigu herriren bat ibilbidetik kanpo.

### Leloari dagokionez, BATZUK izango da...

**Asier:** Hizkuntza eta hiztun guztiak berdintasunean biziko garen Euskal Herria eta mundua nahi ditugu AEKn. Horretarako, behar-beharrezkoa da euskara zaintzea. Gure nahia da euskara aukera-berdintasunean bizitzea egunero eta eremu guztietan. Horretara dator BATZUK leloa. 'Bat' eta 'zuk' hitzen arteko jolasa da. Hizkuntzak eta kulturak mundu BAT osatzen dute, eta, mundu hori sendotzeko bidean, ZUK ere zeure ekarpena egin dezakezu. Hizkuntzak eta kulturak mundu BAT, hizkuntzak eta kulturak mundu BATZUK.

### Korrikaren beste ezaugarri nagusia kanta da. Zein izango da aurtengoa?

**Asier:** Egia da. Kanta Korrikaren ezaugarri garrantzitsua izan da beti, eta aurtengoa ere horrelakoa izango da. Seguru gaude, aurreko edizioetan bezala, 20. Korrikaren kantak ere arrakasta handia izango duela, eta ahoz aho ibiliko dela. Baina oraindik ez da iritsi aurkezteko unea, eta, egun hori iritsi arte, ezin dizuet ezer esan. Egun batzuk itxaron beharko duzue.

### Kantaz gain, Korrika bakoitzak bere omendua ere izaten du; zein izango da 2017ko Korrikarena?

**Asier:** 20. Korrikan, Korrikaren sortzaileak omendu nahi ditugu. Lehenengo Korrikak, 1980koak, Euskal Herria euskalduntzea zuen helburu. Laster, euskararen aldeko ekintzarik handiena bihurtu zen eta gaur arte horrela iraun du, Euskal Herriko txoko guztietara euskararen



aldarria zabaltzen. Horregatik, orain dela 37 urte Korrika martxan jarri zuten haiek omendu nahi ditu 20. Korrikak. Korrikak batu egin gaitu, batu egiten gaitu eta batu egingo gaitu.

Bilatu hitz berrien esanahia, eta idatzi hemen: galdetu ikaskideei, bilatu hiztegiari...

ULERTU EZ DITUDAN HITZAK	ESANAHIA
1. ....	.....
2. ....	.....
3. ....	.....
4. ....	.....
5. ....	.....
6. ....	.....
7. ....	.....
8. ....	.....
8. ....	.....
10. ....	.....





Markelek, Berlinen bizi den lagun batek, Korrikari buruzko informazioa nahi du. Irakurri Markelen e-posta eta erantzun Korrikari buruzko informazioa emateko.

Fitxategia Editatu Ikusi Txertatu Formatua Aukerak Tresnak Laguntza

Bidali Ortografia Erantsi Segurtasuna Gorde

Norik: **Markel**

mail.aek.org

Nori: **Zuri**

Gaia: **Korrika**

Gorputzaren testua

DejaVu Sans

Aupa, lagunak. Zer moduz?

Nik hementxe jarraitzen dut, Berlinen, lan eta lan. Ez kezkatu, kar-kar, ez dizuet idazten nire bizitza kontatzeko. Kontua da lagun batek esan didala Korrika aurkeztu dutela, eta pentsatu dut ondo legokeela hemen ere aurkezpentxo bat edo horrelako zerbait egitea.

Ni prest nago aurkezpena antolatzeko, baina informazioa falta dut. Zuek jakingo duzue zerbait, ezta? Bada, kontatu dakizuena, mesedez, ea ganorazko zerbait antola dezakedan.

Beste kontu bat: zuek nora joango zarete, hasierara edo amaiera? Aurreko Korrikan, Urepelera joan nintzen eta oso ondo pasatu nuen.

Ondo ibili denok, eta idatzi ahal duzuenean.

Markel



**A.** Idatzi e-postaren zirriborroa.

[illegible]

**B.** Errepasatu e-posta eta zuzendu. Horretarako, ondoko teknika proposatzen dizugu:

**BILATU TESTUAN HONELAKO AKATSAK, ZUZENDU ETA GARBIRA PASA:**

**DEKLINABIDEA:**

Bilatu testuan deklinatu dituzun hitzak eta aztertu ondokoa:

- ▶ Ondo jarri duzu deklinabidea (etxeKO / etxeTIK...)?
- ▶ Mugatzailea ondo dago (herriAN / herriETAN / herriTAN)?
- ▶ Ergatiboa ondo erabili duzu (lagunA / lagunAK / lagunEK)?
- ▶ Eta partitiboa (lotsA / lotsARIK)?

**ADITZA:**

Bilatu testuan aditz guztiak eta aztertu ondokoa:

- ▶ Aspektua ondo dago (egiTEN / eginGO / egin)?
- ▶ NOR-NORK (zaitu), NOR-NORI-NORK (dizu) ala NOR-NORI (zaizu) da?
- ▶ Denbora ondo jarri duzu (dut / nuen; dizut / nizun)?
- ▶ Singularra ala plurala (diot / diZKIot)?

- ▶ Bilatu testuan -(e)LA edo -(e)NA guztiak eta begiratu ondo dauden: “esan duELA”, “esan duENA”, esan duEN”... nola da?

[illegible]



## Euskal Herria, euskara eta Korrika. Transkripzioa.

Euskararen aldeko ekitaldirik handiena laster izango da berriro gure artean. Euskal Herri osoa, iparraldetik hegoaldera eta mendebaldetik ekialdera, pausoz pauso zeharkatzen du.

Euskal Herria. Euskara. Korrika. Hitz ezagunak. Askotan entzun eta esan ditugunak. Baina zer dakigu haiei buruz? Zer dakigu Euskal Herriari buruz? Eta euskarari buruz? Eta Korrikari buruz?

### EUSKAL HERRIA

Euskal Herria terminoak, hitzez hitz, euskararen lurraldea esan nahi du.

#### 1. Euskal Herria terminoa Sabino Aranak asmatu zuen 1896. urtean.

Sabino Aranak Euzkadi hitza asmatu zuen, 1896. urtean. Euskal Herria terminoa, aldiz, zaharragoa da. Aurkitu diren lehenengo aipamenak XVI. eta XVII. mendeetakoak dira.

Euskal Herria Europako hegoaldean dago. Europako herrialdea da; ez da handiena, baina txikiena ere ez.

#### 2. Euskal Herriak eta Suitzak tamaina berdintsua daukate.

Euskal Herriak 21.000 km<sup>2</sup> dauzka; Suitzak, berriz, 41.000 km<sup>2</sup>.

Zazpi herrialdek osatzen dute Euskal Herria: Araba, Bizkaia, Gipuzkoa, Lapurdi, Nafarroa Beherea, Nafarroa Garaia eta Zuberoa.

Herrialde handiena Nafarroa Garaia da; txikiena, Zuberoa.

#### 3. Bigarren herrialde handiena Araba da.

Egia da. Nafarroa Garaiak 10.421 km<sup>2</sup> dauzka; Arabak 3.316 km<sup>2</sup>; Bizkaiak 2.236 km<sup>2</sup>; Gipuzkoak 1.980 km<sup>2</sup>; Nafarroa Behereak, 1325 km<sup>2</sup>; Lapurdik 855 km<sup>2</sup>; eta Zuberoak 814 km<sup>2</sup>.

Herrialdez herrialde, oso paisaia desberdinak aurkituko ditugu. Baina badago herrialde guztiak batzen dituen kontu bat: euskara.

### EUSKARA

Munduan hizkuntza asko hitz egiten dira.

#### 4. Munduan 3.000 hizkuntza baino gehiago hitz egiten dira.

Kalkulatzen da, gaur egun, 7.000 hizkuntza inguru daudela munduan.

#### 5. Munduan gehien hitz egiten den hizkuntza ingelera da.

Hizkuntza batzuek hiltun asko dituzte: Txinerak 900 milioi inguru; ingelesak 470 milioi; hindiak 420; gaztelaniak 360... Baina hizkuntza gehien-gehienek hiltun gutxi dituzte, 100.000 baino gutxiago, eta galtzeko arriskuan daude.

Hizkuntzekin 0tik 10erako rankinga egiten badugu, 10ean txinera jarrita eta 0n galdu den azken hizkuntza, non jarri beharko dugu euskara?

#### 6. Euskara, gutxi gorabehera, erdian dago, 5ean.

Harrigarria irudituko zaizue, agian, baina euskara 9. postutik gora egongo litzateke zerrenda horretan. Izan ere, Eusko Jaurilaritzaren 2011ko inkestaren arabera, euskarak 714.136 hiltun ditu.

Euskal Herrian, hiru hizkuntza ofizial ditugu: euskara, gaztelania eta frantsesa. Halere, ez dira gure herrietan entzuten diren hizkuntza bakarrik.

#### 6. Euskal Herrian, 100 hizkuntza baino gehiago hitz egiten dira.

Unesco Etxeak eta Ikuspegik 2007an egindako ikerketa baten arabera, 100 hizkuntza baino gehiago hitz egiten dira Euskal Herrian.

Hizkuntza nagusiak, jakina, euskara, gaztelania eta frantsesa dira.

#### 8. Euskal Herriko 4. hizkuntza garrantzitsuena txinera da .

Hiru hizkuntza ofizialen atzean, Euskal Herrian gehien erabiltzen den hizkuntza arabiera da.

Euskarak bost euskalki ditu: mendebaldeko euskalkia edo bizkaiera, erdialdeko euskalkia edo gipuzkera, nafar-lapurtar euskalkia, nafar euskalkia era zuberotar euskalkia.



### 9. Euskalkien lehenengo mapa Napoleon Bonaparteren ilobak egin zuen.

Euskalkien lehenengo mapa Luis Luziano Bonapartek egin zuen, Napoleonek ilobak.

Euskara hizkuntza zaharra da.

### 10. Euskara orain dela 3.000 bat urte sortu zen.

Oraindik ez dago argi noiz eta non sortu zen. Ematen du duela 8.000 urte aintzineuskara, euskararen aurrekari bat, hitz egiten zela Pirinioen inguruan.

### 11. Lehenengo esaldi idatzia Errioxako kobazulo batean aurkitu zen.

Lehenengo esaldi idatziak X. mendekoak dira, eta Susoko monasterioan aurkitu ziren, Errioxan.

Hizkuntza zaharra da gure euskara. Baina gaur egungo hizkuntza ere bada, eta hedabide moderno guztietara iristen da: telebistara, irratiara, egunkarietara, Internetara...

### 12. Wikipedian, euskara 35. hizkuntza garrantzitsuen da.

Wikipedia, adibidez, 287 hizkuntzatan idatzita dago, eta horien artean euskara 35. lekuan dago: 181.000 artikulua daude gure hizkuntzan idatzita.

Euskara Euskal Herri osoko hizkuntza da, eta mezu hori aldarrikatzeko Korrika etorriko zaigu berriro 2017an.

## KORRIKA

Bi urte pasatu dira azken Korrikatik. Laster, 2017ko udaberrian, berriro ikusi ahal izango dugu gure herrietan euskararen aldeko lasterketa erraldoia. 20. Korrika.

### 13. Lehenengo korrika 1977an egin zen.

Lehenengo Korrika 1980an egin zen, Oñatitik Bilbora.

### 14. Korrikaren ideia Irlandatik hartu zen, "Rith" lasterketatik, hain zuzen ere.

Idea lagun batzuen arteko afarian sortu omen zen, eta hasiera-hasieratik arrakasta handia izan zuen. Geroztik, beste herri batzuetara ere zabaldu da Korrikaren ideia: Galizian, "Correlingua" antolatzen dute; Britainian, "Ar Redadeg"; Irlandan, "Rith"...

### 15. Korrikan, gelditu gabe, 2.300 bat kilometro egiten dira.

Edizio bakoitzean, Korrikaren ibilbidea aldatu egiten da. Gau eta egun, gelditu gabe, 2.300 bat kilometro egiten dira.

Korrikalariak egurrezko lekuko bat eramaten dute eskuetan. Lekukoaren barruan, mezu bat dago gordeta. Mezu ezkutua Korrikaren azken egunean irakurtzen da.

### 16. Korrikaren lehenengo lekukoa San Telmo museoan dago.

Lehenengo lekukoa Remigio Mendiburuk egin zuen, eta gaur egun San Telmo museoan dago.

Korrika bakoitzak bere leloa du. Bere kanta.

### 17. Lehenengo Korrikaren kanta Benito Lertxundik egin zuen.

Lehenengo Korrikaren kanta Amuriza bertsolariak egin zuen. Geroztik, euskal kantari askok hartu izan dute parte Korrika-kantetan.

Korrika bakoitzak pertsonaia edo erakunde bat omentzen du.

### 18. Azken Korrikaren omendua Durangoko Azoka izan da.

Korrika 19k, esaterako, Durangoko azoka omendu zuen.

Laster, bere omendu berriarekin, bere kanta berriarekin, bere lelo berriarekin, Korrika 20 hasiko da. Eta, berriro ere, euskararen lekukoa eramango du Euskal Herriko bazter guztietara.





## A. "Euskal Herria, euskara eta Korrika" jokoa.

### JOKOA PRESTATZEN: APUSTUAK

#### ERANTZUNAK:

1. **Egia da.** Espainiar konkistatzaile batek indigena bati alde hura nola deitzen zen galdetzean, hark "Yucatán" erantzun omen zion, bere hizkuntzaz, "ez naiz hemengoa".
2. **Gezurra da.** Kanguru hitzak, jatorrian, "ez dizut ulertzen" esan nahi du. Ingelesek australiar indigena bati animaliaren izena galdetu ziotenean, hark "Kan-Ghu-Ru" erantzun omen zien, hau da, "ez dizut ulertzen".
3. **Egia da,** koimetérion hitzak "logela" esan nahi du.